

Муаллифнинг биринчи китоби

Беназирхон ҲАСАНХОНОВА

ОНАЖОН

(Шеърлар)

“Андижон нашриёт-матбаа” МЧЖ
2013 йил

УЎК: 821.512.133-1

КБК 84(5ЎЗБ) 7-Ўзбек адабиёти

Х-31

Х-31. Ҳасанхонова Беназирхон. Онажон (шеърлар).
“Андижон нашриёт-матбаа” МЧЖ, 2013 йил, 46-бет.


Мазкур мўъжаз тўпلامдан эндигина ижод бўстониға кириб келаетган ёш, ҳаваскор шоиранинг кўнгил кечинмалари - она табиат манзаралари, кадрийатлар, беғубор болаликнинг бахтли онлари ҳақидаги шеърлари урин олган. Содда ва самимий сатрлар билан битилган ушбу шеърый гулдаста шеърийят мухлисларига манзур бўлади, қолаверса, ёш шоирамиз келажакда янада гўзал шеърлар ёзиб, ижодкор сифатида ҳурмат топади, деб умид қиламиз.

ISBN 978-9943-4197-6-4

© Б.Ҳасанхонова, 2013.

© “Андижон нашриёт-матбаа” МЧЖ, 2013

Ю 41585
091





Muallifning birinchi kitobi

Benazirxon HASANXONOVA

ONAJON

(She'rlar)

**“Andijon nashriyot-matbaa” MCHJ
2013-yil**



UO`K: 821.512.133-1

KBK 84(5936)

H-31

H-31. Hasanxonova Benazirxon. Onajon (she'rlar). "Andijon nashriyot-matbaa" MCHJ, 2013 yil, 46-bet.

Mazkur mo`jaz to`plamdan endigina ijod bo'stoniga kirib kelayotgan yosh, havaskor shoiraning ko'ngil kechinmalari - ona tabiat manzaralari, qadriyatlar, beg'ubor bolalikning baxtli onlari haqidagi she'rlari o'rin olgan. Sodda va samimiy satrlar bilan bitilgan ushbu she'riy guldasta she'riyat muxlislariga manzur bo'ladi, qolaversa, yosh shoiramiz kelajakda yanada go'zal she'rlar yozib, ijodkor sifatida hurmat topadi, deb umid qilamiz.

ISBN 978-9943-4197-6-4

© B.Hasanxonova, 2013.

© "Andijon nashriyot-matbaa" MCHJ, 2013.

ИЖОДГА ИНТИЛУВЧИ ҚИЗ

Беназирхон болагиданок ижодга қўнгил қўйган. У мактабда аълочи ўқувчи, жамоат ишларида фаол бўлиш билан бирга, ижодга интилиб яшайди. Доимий қораламалар ёзиб, устозлардан маслаҳат олиб юради.

Ижод ҳақида гап кетганда, таъкидлаш жоизки, у ҳар кимга ҳам берилавермайдиган фазилатдир. Ижод кишиси ҳаётга ўзгача нигоҳ билан қарайди. У ҳаётдаги воқеа-ҳодисалардан, табиат манзараларидан илҳом олади. Эндигина саккизинчи синфда таҳсил олаётган Беназирхон Хасанхонованинг “Онажон” номли шеърини тўплами қўлёзмасини ўқиб унда, “нимадир бор” деган хулосага келдим.

Тўғри, унинг шеърларини пухта, бекаму кўст деб айтиш фикридан йироқман. Чунки у ҳали ёш. Адабиётнинг, шеърининг қонуниятларини, сир-асрорларини яхши билмайди. Лекин кизимизда шеърини кизиқиш, интилиш кучли эканлигини англадим.

Тўпламдаги аксарият шеърлардаги содда сатрларда, ҳар бир мисрада айтилмоқчи бўлган фикр – ғоявий мазмун, чиқарилган хулоса шеърнинг мақсадини очиб бера олган. Самимий сўзлар эса ўқувчи қалбига меҳрдай сингиб кетади. “Онажон” шеъридаги қуйидаги мисраларни ўқисангиз, бунга ўзингиз ҳам ишонч ҳосил қиласиз:

Меҳрингиз қалбимга бахш этар сурур,

Онажон, бағрингиз бунчалар иссиқ

Қўнглимга бағишлар таскинингиз нур,

Борингиз кўзимда гўё қорачиқ.

Ёш шоира шеърларида мавзулар ҳам ранг-баранг. Она табиат манзаралари, кадриятларимизга айланган байрамлар каби бир қатор мавзулар ўзига хос тарзда тасвирланади.

Мухтасар қилиб айтганда, китобчага киритилган айрим шеърларда оддийлик, жузъий камчиликлар бор. Лекин китобхонлар кизимиз ҳали саккизинчи синф ўқувчиси эканлигини унутмасликларини истардим. Насиб этса, кизимиз келгусида чиройли ва мазмунли шеърлар ёзиб, барчани хушнуд этади деган умиддаман.

Абдурахим БОЗОРБОВ,

Марҳамат туманидаги Мухаммад Юсуф номли
ёш ижодкорлар адабий тўғараги раҳбари.



IJODGA INTILUVCHI QIZ

Benazirxon bolaligidanoq ijodga ko'ngil qo'ygan. U maktabda a'lochi o'quvchi, jamoat ishlarida faol bo'lish bilan birga, ijodga intilib yashaydi. Doimiy qoralamalar yozib, ustozlardan maslahat olib yuradi.

Ijod haqida gap ketganda, ta'kidlash joizki, u har kimga ham berilavermaydigan fazilatdir. Ijod kishisi hayotga o'zgacha nigoh bilan qaraydi. U hayotdagi voqe-hodisalardan, tabiat manzaralaridan ilhom oladi. Endigina sakkizinchi sinfda tahsil olayotgan Benazirxon Hasanxonovanning "Onajon" nomli she'riy to'plami qo'lyozmasini o'qib, "unda nimadir bor" degan xulosaga keldim.

To'g'ri, uning she'rlarini puxta, bekamu ko'st deb aytish fikridan yiroqman. Chunki u hali yosh. Adabiyotning, she'riyatning qonuniyatlarini, sir-asrorlarini yaxshi bilmaydi. Lekin qizimizda she'riyatga qiziqish, intilish kuchli ekanligini angladim.

To'plamdagi aksariyat she'rlardagi sodda satrlarda, har bir misrada aytilmoqchi bo'lgan fikr - g'oyaviy mazmun, chiqarilgan xulosa she'rnin maqsadini ochib bera olgan. Samimiy so'zlar esa o'quvchi qalbiga mehrday singib ketadi. "Onajon" she'ridagi quyidagi misralarni o'qisangiz, bunga o'zingiz ham ishonch hosil qilasiz:

*Mehringiz qalbimga baxsh etar surur,
Onajon, bag'ringiz bunchalar issiq.
Ko'nglimga bag'ishlar taskiningiz nur,
Boringiz ko'zimda go'yo qorachiq.*

Yosh shoira she'rlarida mavzular ham rang-barang. Ona tabiat manzaralari, qadriyatlarimizga aylangan bayramlar kabi bir qator mavzular o'ziga xos tarzda tasvirlanadi.

Muxtasar qilib aytganda, kitobchaga kiritilgan ayrim she'rlarda oddiylik, juz'iy kamchiliklar bor. Lekin kitobxonlar qizimiz hali sakkizinchi sinf o'quvchisi ekanligini unutmazliklarini istardim. Nasib etsa, qizimiz kelgusida yanada chiroyli va mazmunli she'rlar yozib, barchani xushnud etadi, degan umiddaman.

Abdurahim BOZORBOYEV,
Marhamat tumanidagi Muhammad Yusuf nomli
yosh ijodkorlar adabiy to'garagi rahbari.



ОНАЖОН

Меҳрингиз қалбимга бахш этар сурур,
Онажон, бағрингиз бунчалар иссиқ.
Кунглимга бағишлар таскинингиз нур,
Борингиз кўзимда гўё қорачиқ.

Дилингизга гоҳо чўктириб ташвиш,
Шўхлигим қалбингиз юзин қаритар.
Айтинг, ёрдамчиман ортмайди юмуш,
Биргина кулгингиз ғамни аритар.

Эркалаб силайсиз аста бошимни,
Бағрингиз тафтида кетаман эриб.
Ҳаёт синамасин сира дошимни,
Онам, сиз бор юрай кўкрагим кериб.



ONAJON

Mehringiz qalbimga baxsh etar surur,
Onajon, bag`ringiz bunchalar issiq .
Ko`nglimga bag`ishlar taskiningiz nur,
Boringiz ko`zimda go`yo qorachiq .

Dilingizga goho cho`ktirib tashvish,
Sho`xligim qalbingiz yuzin qaritar.
Ayting, yordamchiman ortmaydi yumush,
Birgina kulgingiz g`amni aritar.

Erkalab silaysiz asta boshimni,
Bag`ringiz taftida ketaman erib.
Hayot sinamasin sira doshimni,
Onam, siz bor yuray ko`kragim kerib.



ҚОРБОБО

Кириб келса янги йил,
Совғаларга кўмилиб.
Яшнаб кетар ҳар бир дил,
Қувончларга чўмилиб.

Қиш бобо, келибсан хуш,
Лек атрофда кўк арча.
Оппоқ қордан ер сархуш,
Қорбўрон ўйнар барча.

Дўстлик берасан дилга,
Бундай кейинги йилга,
Кутамиз яна сени,
Кўз тикканча йўлингга.



QORBOBO

Kirib kelsa yangi yil,
Sovg'alarga ko'milib.
Yashnab ketar har bir dil,
Quvonchlarga cho'milib.

Qish bobo, kelibsan xush,
Lek atrofda ko'k archa.
Oppoq qordan yer sarxush,
Qorbo'ron o'ynar barcha.

Do'stlik berasan dilga,
Bunday keyingi yilga,
Kutamiz yana seni,
Ko'z tikkancha yo'linga.



БАЙРАМ МУБОРАК

Адир тўла лола, гул,
Илинаман сизларга.
Ҳаёт фаришгаси ул,
Онам, опам, қизларга.

Қалбингиздан чексиз нур,
Аримасин сира ҳам.
Дилингиздан томар дур,
Ҳеч қачон кўрмангиз ғам.

Куклабий бахтга тўлсин,
Рўёб топсин хаёллар.
Байрам муборак бўлсин,
Мухтарама аёллар.



BAYRAM MUBORAK

Adir to'la lola, gul,
Ilinaman sizlarga.
Hayot farishtasi ul,
Onam, opam, qizlarga.

Qalbingizdan cheksiz nur,
Arimasin sira ham.
Dilingizdan tomar dur,
Hech qachon ko'rmangiz g'am.

Ko'klamiy baxtga to'lsin,
Ro'yob topsin xayollar.
Bayram muborak bo'lsin,
Muhtarama ayollar.



ГҶЗАЛ БАҲОР

Баҳорим, ўзингсан фасли келинчак,
Дилимиз куйига куйлари йўлдош.
Ёмғиринг заминни поклайди чак-чак,
Мадҳинг айтиб нурын сочади қуёш.

Бағрингда қувнаймиз беғубор уч ой,
Тўққиз ой дийдоринг этар интизор.
Мана кириб келдинг очганча чирой,
Қаҳратон аёздан қолдирмай ғубор.

ЮЛДУЗ

Самода порлаган энг ёруғ юлдуз,
Хаёлим олдию айлади асир.
Қўлимни узатдим қалбим деди: “Ўз”.
Етдим деганимда кетди, бу не сир?!

Истадим юлдуз-ла қурмоқни суҳбат,
Чорласам келмади самовий боққа.
Шунда дедим: “бўлиб бир кун космонавт”,
Учаман ундан-да юксак, йирокқа.



GO'ZAL BAHOR

Bahorim, o' zingsan fasli kelinchak,
Dilimiz kuyiga kuylari yo' ldosh.
Yomg' iring zaminni poklaydi chak-chak,
Madhing aytib nurin sochadi quyosh.

Bag' ringda quvnaymiz beg' ubor uch oy,
To' qqiz oy diydoring etar intizor.
Mana kirib kelding ochgancha chiroy,
Qahraton ayozdan qoldirmay g' ubor.

YULDUZ

Samoda porlagan eng yorug' yulduz,
Xayolim oldiyu ayladi asir.
Qo' limni uzatdim qalbim dedi: "Uz".
Yetdim deganimda ketdi, bu ne sir?!

Istadim yulduz-la qurmoqni suhbat,
Chorlasam kelmadi samoviy boqqa.
Shunda dedim: "bo' lib bir kun kosmonavt",
Uchaman undan-da yuksak, yiroqqa.



НАВРЎЗ

Ўлкамга баҳор келди,
Аста сепини ёзиб.
Аёздан олмай озор,
Бойчечак чертди созин.

Ҳамма хурсанд беармон,
Унутди ғам, ғуборин.
Ҳар бир қимирлаган жон,
Меҳнатга берди борин.

Бизлар кир-адир қолмай,
Терамиз гул – лолалар.
Сумалакка деб, толмай,
Тош терамиз болалар.

Сумалак қайнар аста,
Атрофи тўла гавжум.
Тилак айтиб оҳиста,
Йилга тилаймиз унум.



NAVRO'Z

O'lkamga bahor keldi,
Asta sepini yozib.
Ayozdanda olmay ozor,
Boychechak chertdi sozin.

Hamma xursand bearmon,
Unutdi g'am, g'uborin.
Har bir qimirlagan jon,
Mehnatga berdi borin.

Bizlar qir-adir qolmay,
Teramiz gul - lolalar.
Sumalakka deb, tolmay,
Tosh teramiz bolalar.


Sumalak qaynar asta,
Atrofi to'la gavjum.
Tilak aytib ohista,
Yilga tilaymiz unum.



ЎЗБЕК

Офтоб яйраб нурин сочар осмонингда,
Майса-гуллар буй таратар гулзорингда.
Қийноқларинг қолди ўтмиш, озорингда,
Ўзбек деган ҳур миллатим, ўзинг яхши!

Бугун бахтлар қутлайверар такрор сени,
Тошдан қаттиқ бу бошларинг кўрди нени,
Рамзларинг ифтихорга кўмар мени,
Ўзбек деган ҳур миллатим, ўзинг яхши!





O'ZBEK

Oftob yayrab nurin sochar osmoningda,
Maysa-gullar bo'y taratar gulzoringda.
Qiynoqlaring qoldi o'tmish, ozoringda,
O'zbek degan hur millatim, o'zing yaxshi!

Bugun baxtlar qutlayverar takror seni,
Toshdan qattiq bu boshlaring ko'rdi neni,
Ramzlaring iftixorga ko'mar meni,
O'zbek degan hur millatim, o'zing yaxshi!



ҲАЁТ

Ер қаттиқдир, тош қаттиқ,
Ҳаво юмшок, сув юмшок.
Инсон яхши-ёмони,
Бу дунёга кўғирчоқ.

Асли чинакам ҳаёт,
У дунёдан бошланар.
Бор савобу гуноҳлар,
Тарозуга ташланар.

Бу ёлғончи дунёда,
Билиб-билмай иш тутма.
Бировга озор бериб,
Қабоҳатга қўл тутма.

Эзгуликлар бўлсин ёр,
Ибодат қил мусулмон.
Ана шунда очилар.
Жаннат эшик сен томон.

Беҳиштда ҳар мева бор,
Мазали бир-биридан.
Ҳавосида йўқ ғубор,
Қасрлари сабрдан.

Яхшиликка тутиб қўл,
Барин этайлик идрок.
Оқибат, иймон - хуш йўл.
Қалбларимиз бўлсин пок.



HAYOT

Yer qattiqdir, tosh qattiq,
Havo yumshoq, suv yumshoq.
Inson yaxshi-yomoni,
Bu dunyoga qo`g`irchoq.

Asli chinakam hayot,
U dunyodan boshlanar.
Bor savobu gunohlar,
Tarozi tashlanar.

Bu yolg`onchi dunyoda,
Bilib-bilmay ish tutma.
Birovga ozor berib,
Qabohatga qo`l tutma.

Ezguliklar bo`lsin yor,
Ibodat qil musulmon.
Ana shunda ochilar.
Jannat eshik sen tomon.

Behishtda har meva bor,
Mazali bir-biridan.
Havosida yo`q g`ubor,
Qasrlari sabrdan.

Yaxshilikka tutib qo`l,
Barin etaylik idrok.
Oqibat, iymon - xush yo`l.
Qalblarimiz bo`lsin pok.



КУЗ

Келди мана куз шошиб,
Етаклаб илиқ ҳаво.
Саратондан кир ошиб,
Олтин ранг сочди само.

Неъматлари ёрар тил,
Хазонда ҳам бор чирой.
Унга асир неча дил,
Ажиб туйғуларга бой.

Меҳр кутар япроқлар,
Тўкилишиб оҳиста.
Асли мунгли бу чоғлар,
Тугаётгандай аста.



KUZ

Keldi mana kuz shoshib,
Yetaklab iliq havo.
Saratondan qir oshib,
Oltin rang sochdi samo.

Ne'matlari yorar til,
Xazonda ham bor chiroy.
Unga asir necha dil,
Ajbib tuyg'ularga boy.

Mehr kutar yaproqlar,
To'kilishib ohista.
Asli mungli bu chog'lar,
Tugayotganday asta.



ЎЗБЕГИМ БОЛАЛАРИ

Зулматда ҳам мисли ой,
Икболи очар чирой.
Вой, бунчалар ёқимтой,
Ўзбегим болалари.

Ўйнаб, кулади шодон,
Томирда кўпирар қон.
Дилида йўқдир армон,
Ўзбегим болалари.

Нигоҳида йўқ ғубор,
Қўшиқ айтиб, чертар тор.
Бобурдай ёзар ашъор,
Ўзбегим болалари.

Зулматда ҳам мисли ой,
Икболи очар чирой.
Вой, бунчалар ёқимтой,
Ўзбегим болалари.



O'ZBEGIM BOLALARI

Zulmatda ham misli oy,
Iqboli ochar chiroy.
Voy, bunchalar yoqimtoy,
O'zbekim bolalari.

O`ynab, kuladi shodon,
Tomirda ko`pirar qon.
Dilida yo`qdir armon,
O`zbekim bolalari.

Nigohida yo`q g`ubor,
Qo`shiq aytib, chertar tor.
Boburday yozar ash'or,
O'zbekim bolalari.

Zulmatda ham misli oy,
Iqboli ochar chiroy.
Voy, bunchalar yoqimtoy,
O'zbekim bolalari.



ОНА ТИЛИМГА

Минг кўчалар, гулзорлар,
Ўз тилимда ном олмиш.
Қанча чекиб озорлар,
Ниҳоят, хур тил бўлмиш.

Она тилим - жонимсан,
Сўзлайман сенда хассос.
Фахр тўлган қалбимсан,
Сен-ла бахтим эрка мос.

Муқаддассан, буюксан,
Асрагаймиз доимо.
Сен азизсан, суюксан,
Сақлагаймиз, жон фидо.



ONA TILIMGA

Ming ko`chalar, gulzorlar,
O`z tilimda nom olmish.
Qancha chekib ozorlar,
Nihoyat, hur til bo`lmish.

Ona tilim - jonimsan,
So`zlayman senda xassos.
Faxr to`lgan qalbimsan,
Sen-la baxtim erkka mos.

Muqaddassan, buyuksan,
Asragaymiz doimo.
Sen azizsan, suyuksan,
Saqlagaymiz, jon fido.



СҮНГГИ ҚҰНҒИРОК

Хайрлашдик биз бугун,
Улғайдик яна бир ёш.
Битирувчилар бу кун,
Кўз ёшга берар бардош.

Мактабдан катта ҳаёт,
Қучоқ очмиш уларга.
Болаликни этиб ёт,
Нур беради дилларга.

Биз ҳам бир кун тарк этиб,
Қўмсаймиз мактаб бағрин.
Мустақил йўлдан кетиб,
Соғинамиз дарс чоғин.

Мактаб илм кошонаси,
Дарслар бунда ўтар соз.
Билимларнинг онаси,
Келажакка зўр парвоз.



SO'NGGI QO'NG'IROQ

Hayrlashdik biz bugun,
Ulg'aydik yana bir yosh.
Bitiruvchilar bu kun,
Ko'z yoshga berar bardosh.

Maktabdan katta hayot,
Quchoq ochmish ularga.
Bolalikni etib yot,
Nur beradi dillarga.

Biz ham bir kun tark etib,
Qo'msaymiz maktab bag`rin.
Mustaqil yo`ldan ketib,
Sog`inamiz dars chog`in.

Maktab ilm koshonasi,
Darslar bunda o`tar soz.
Bilimlarning onasi,
Kelajakka zo`r parvoz.



КЕЛАЖАК ОСТОНАСИ

Тамомлаб билим юртин,
Келажакка қўй қадам.
Тўкмайин қалбинг бурдин,
Илм изла ҳар қадам.

Садокатни кўр билиб,
Муносиб бўл элинга.
Каттани ҳурмат қилиб,
Иззатда бўл еринга.

Гўдак эдинг бир замон,
Улғайдинг, тўлдинг бахтга.
Ўқи, ўрган, бўл омон,
Етгин муқаддас аҳдга.

Ёруғ, порлоқ келажак,
Берилар пок инсонга.
Чин интилган етажак,
Оғмай ёмон томонга.



KELAJAK OSTONASI

Tamomlab bilim yurtin,
Kelajakka qo'y qadam.
To'kmayin qalbing burdin,
Ilm izla har qadam.

Sadoqatni qo'r bilib,
Munosib bo'l elinga.
Kattani hurmat qilib,
Izzatda bo'l yeringa.

Go'dak eding bir zamon,
Ulg'ayding, to'lding baxtga.
O'qi, o'rgan, bo'l omon,
Yetgin muqaddas ahdga.

Yorug', porloq kelajak,
Berilar pok insonga.
Chin intilgan yetajak,
Og'may yomon tomonga.



“ТОНГ ЮЛДУЗИ”

Эрта тонг кучоғида,
Ўй сурар бир қизалоқ.
Орзуси бахт боғида,
Юлдуз бўлиб порламоқ.

Умид тўла кўзига,
Катта ишонч-ла қаранг.
“Тонг юлдузи”ни шу қизга,
Ўқиб беринг, ранг-баранг.

Тавсиямиз ҳар ёшга,
Манзилингиз юборинг.
Йулингиз тушса Шошга,
“Тонг юлдузи”га кириг.



“TONG YULDUZI”

Erta tong quchog`ida,
O`y surar bir qizaloq.
Orzusi baxt bog`ida,
Yulduz bo`lib porlamoq.

Umid to`la ko`ziga,
Katta ishonch-la qarang,
“Tong yulduzi”ni shu qizga,
O`qib bering, rang-barang.

Tavsiyamiz har yoshga,
Manzilingiz yuboring.
Yo`lingiz tushsa Shoshga,
“Tong yulduzi”ga kiring.



ГУЛЛАРГА ОШУФТАМАН

Анҳордаги сувга ҳамоҳанг,
Кўз-кўз қилар гуллар чиройин.
Бағрида йўк бирор ғубор, чанг,
Оразлари нафису майин.

Хаёлларим чаманзорга банд,
Гуллар умри ўйларим олар.
Бирлари паст, бирлари баланд,
Ифорлари қалбга чўт солар.

Гул чечаклар юзингизда дур,
Тонги шабнам қўймиш яна хол.
Юрагимда ўзгача сурур,
Чиройлисиз мисоли ҳилол.



GULLARGA OSHUFTAMAN

Anhordagi suvga hamohang,
Ko`z-ko`z qilar gullar chiroyin.
Bag`rida yo`q biror g`ubor, chang,
Orazlari nafisu mayin.

Xayollarim chamanzorga band,
Gullar umri o`ylarim olar.
Birlari past, birlari baland,
Iforlari qalbga cho`g` solar.

Gul chechaklar yuzingizda dur,
Tongi shabnam qo`ymish yana xol.
Yuragimda o`zgacha surur,
Chiroylisiz misoli hilol.



ИСТАК

Дард юзини бурса инсондан,
Чанг бўлмаса қани шу ондан.
Кечмасмиди қуш ҳам жонидан,
Бўлмаганда ташвиш дунёда.

Унутилармиди бори ғам,
Кўзлар кўрмасмиди ҳеч бир нам.
Яшамасди одамлар бир кам,
Бўлмаганда ташвиш дунёда.



ISTAK

Dard yuzini bursa insondan,
Chang bo`lmasa qani shu ondan.
Kechmasmidi qush ham jonidan,
Bo`l maganda tashvish dunyoda.

Unutilarmidi bori g'am,
Ko`zlar ko`rmasmidi hech bir nam.
Yashamasdi odamlar bir kam,
Bo`l maganda tashvish dunyoda.



ҚУШЛАР

Парвозингиз бунчалар баланд,
Овозингиз сукунатга банд,
Келинг, тутай ушокми ё қанд,
Қушлар, мени билинг дўстингиз.

Ризқ тутасиз полапонларга,
Ўрнаксиз-да баъзи жонларга.
Кетманг олис бир томонларга,
Қушлар, мени билинг дўстингиз.

Келинг, бирга қиламиз сайр,
Мўъжизалар очар бу дайр.
Эрта келинг, ҳозирча хайр,
Қушлар, мени билинг дўстингиз.



QUSHLAR

Parvozingiz bunchalar baland,
Ovozingiz sukunatga band,
Keling, tutay ushoqmi yo qand,
Qushlar, meni biling do`stingiz.

Rizq tutasiz polaponlarga,
O`rnaksiz-da ba'zi jonlarga.
Ketmang olis bir tomonlarga,
Qushlar, meni biling do`stingiz.

Keling, birga qilamiz sayr,
Mo`jizalar ochar bu dayr.
Erta keling, hozircha xayr,
Qushlar, meni biling, do`stingiz.



* * *

Кўнгилнинг тубига чўкиб кетди ғам,
Армоним куйлари ўзгарди неча.
Қалбнинг нигоҳида милтиллаган нам,
Хаёллар шунчалар ғамгин бу кеча.

Ҳаётнинг беғубор лаҳзаларидан,
Сирларим денгизи тошди авжида.
Оппоқ туйғуларим ларзаларидан,
Билмам, бахтим келди меҳр мавжида.

Кўнгил ҳам унутди зумда дардини,
Бахтга қучоқ очди келган маҳали.
Ширин сўз-ла олди дилнинг гардини,
Деди: “Яхши кўнлар олдинда ҳали!”.



* * *

Ko'ngilning tubiga cho'kib ketdi g'am,
Armonim kuylari o'zgardi necha.
Qalbning nigohida miltillagan nam,
Xayollar shunchalar g'amgin bu kecha.

Hayotning beg'ubor lahzalaridan,
Sirlarim dengizi toshdi avjida.
Oppoq tuyg'ularim larzalaridan,
Bilmam, baxtim keldi mehr mavjida.

Ko'ngil ham unutdi zumda dardini,
Baxtga quchoq ochdi kelgan mahali.
Shirin so'z-la oldi dilning gardini,
Dedi: "Yaxshi kunlar oldinda hali!".



МУНДАРИЖА

Онажон.....	7
Қорбобо.....	9
Байрам муборак.....	11
Гўзал баҳор.....	13
Юлдуз.....	13
Наврўз.....	15
Ўзбек.....	17
Ҳаёт.....	19
Куз.....	21
Ўзбегим болалари.....	23
Она тилимга.....	25
Сўнгги қўнғирок.....	27
Келажак остонаси.....	29
“Тонг юлдузи”.....	31
Гулларга ошуфтаман	33
Истак.....	35
Қушлар.....	37
Кўнгилнинг тубига чўкиб кетди ғам.....	39



MUNDARIJA

Onajon.....	8
Qorbobo.....	10
Bayram muborak.....	12
Go`zal bahor.....	14
Yulduz.....	14
Navro`z.....	16
O`zbek.....	18
Xayot.....	19
Kuz.....	22
O`zbekim bolalari.....	24
Ona tilimga.....	26
So`nggi qo`ng`iroq.....	28
Kelajak ostonasi.....	30
“Tong yulduzi”.....	32
Gullarga oshuftaman.....	34
Istak.....	36
Qushlar.....	38
Ko`ngilning tubiga cho`kib ketdi g`am.....	40

Адабий – бадий нашр
Беназирхон ХАСАНХОНОВА
“ОНАЖОН” (шеърлар)

Мухаррирлар
Тех. мухаррир
Мусаввир
Мусаҳҳиҳ
Саҳифаловчи

Ф. Ибайдуллаев.
М. Мирзакаримова.
С. Жўраева.
Н. Тожиматова.
З. Умурзоқов.

Ноширлик лицензияси АИ №175. 11.06.2010 йил.

Босмахонага 2013 йил 13 майда берилди. Босишга 2013 йил 8 июлда рухсат этилди. Бичими 84x1081/32. Ҳажми 1,375 босма табоқ. Нашриёт табоғи 0,9. Times Nev Roman гарнитураси, офсет қоғози, офсет усулида чоп этилди. Буюртма №964. Адади 600 нусха.

“Andijon nashriyot-matbaa” МЧК босмахонасида чоп этилди.
Манзили: Андижон шаҳри, Навоий шохқўчаси, 71-уй.

Adabiy-badiiy nashr
Benazirxon Hasanxonova
“ONAJON” (she'rlar)

Muharrir	F.Ibaydullaev.
Tex. muharrir	M. Mirzakarimova.
Musavvir	C. Jo'rayeva.
Musahhi	N. Tojimatova.
Sahifalovchi	Z. Umurzoqov.

Noshirlik litsenziyasi AI №175. 11.06.2010 yil.

Bosmaxonaga 2013 yil 13 mayda berildi. Bosishga 2013 yil 8 iyulda ruxsat etildi. Bichimi 84x1081/32. Hajmi 1,375 bosma taboq. Nashriyot tabog'i 0,9. Times Nev Roman garniturası, ofset qo ozi, ofset usulida chop etildi. Buyurtma №964. Adadi 600 nussha.

“Andijon nashriyot-matbaa” MCHJ bosmaxonasida chop etildi.
Manzili: Andijon shahri, Navoiy shohk'ychasi, 71-uy.